

童山詩集

漳山詩集卷十二

綿州李調元雨村

辛卯

元宵觀燈二首

金鼓家家競沸騰，銀花處處更加增。
天疑螢化初流火，人似蛾飛亂撲燈。
村巷金吾原不禁，京華玉友詎同乘。
庶我聞一刻千金，值秉燭來遊笑尚能。

刻書無鹽亦自奇，稍加沐浴便西施。
歌喉能使行雲過，粉黛偏宜入夜窺。
却喜親朋聚今夕，必須富貴定何時。
明朝酒盡人俱散，猶有餘音繞夢思。

道山言身 卷一 二
二月十一日夜聞雨聲

細雨止還作燈花翳復開春如人病起天似醉醒迴點
點芭蕉報聲聲瓦屋催明朝紅濕處先看牡丹臺

山中

世路崎嶇處處同往來渾不覺霜風透山一點燈如豆
誰在寒松古栢中

和祝芷塘謝巴驥馬其鼻白故號銀針末語益戲
之也

我有巴驥馬銀針面上分同心蒙見顧回首惜離羣鼻
蹶三冬雪蹄輕萬嶂雲知君無所換空自謝殷勤

三月望日飲劉大家閒談瑩華山山枇杷盛開卽
日令人取植園中

廿四番風棟子終殘英掃盡失芳叢忽聞千樹瑩華上

移得三株小圃中艷殿晚春嬌欲笑顏開曉日暈微烘

怪來昨夜多妖夢有五銖衣下碧空

花五朵簇枝梢上
形如碧乍看似一

然朵

豐谷井

千層瓦屋環抱崗萬竈火煮鹽泥黃白鷺啣魚上樹立
烏樾轉索引筒長誰家少婦汲江水何人策馬方回場
戎乘篋輿竟過去回頭山曠雲蒼茫

唐農部爲潼川書院山長奉訪留題是日課期農部請余閱卷以中江李世保爲歷卷書院卽吾師
綿州牧費雲莊先生所建也

旣攻堅木又撞鐘盡在先生木鐸中忽把一城糾武氣
變成八邑好文風

潼川舊有譚行義官提督後人多習武

栽成桃李皆君

力臭味芝蘭獨我同
忽憶當年開石室令人長憶老文翁

端午日在梓州太守徐竹村鎮座上作

年年端午日總是別家筵
萱草憂難忘榴花火欲燃
司開懸艾虎詩客讓箕仙
著畫黃堂像他年側八賢

東坡送同

官齋知東川詩爲公掃棠溪畫像詩相繼自注云蜀中
太守賢者無不畫像焉府治名世堂畫人賢謂司馬相
如王褒揚雄嚴君平屈原陳子昂
李太白蘓子瞻也皆蜀產故云

李愛峯招飲鰲若精舍

雲嵐盡日撲征衣
淄淄清泉出翠微
值步幽篁深處去
無端驚起竹鷄飛

關住山泉不許行
泉聲鳴咽自琤琤
涼州一曲誰能按

憶聽茨姑葉爛聲
時有歌者王郎
能奏北音

雨登孟鷺洲侍御裕昆樓二首

潑蚪捲起碧潭雲
雨撲疎窓面面聞
氣接鴻濛高欲合
烟通岷嶓迥難分
樹如米筆濃堆
星草似蘓堤淺染裙

不識何人是崔顥登樓徒媿不能文
風聲欲作礮車雲我上丹梯第一閑
江濤遠浮雙塔動山嵐漸與一城分
簾前紫燕分投剪檻外紅榴色妬裙
不是留連因雨住要將杯酒細論文

題酒泉亭贈郛令牛莛亭

鼎

只知地下有誰意在人間李白詩空好劉伶夫不還
亂鴉啼柏樹老隸守柴關可似廉泉否知君不赧顏

宿崇慶州弔何愚廬

斯人久已歿思之亦云忘忽從此州過
灑涕難自解先
生平生作如百川歸海流傳雖不多
已爲模爲楷何須

壓元白始嘆才十倍自當校天祿青史橐筆載如何
電影間遽埋光鏤彩李杜錦繡腸不救寒與餒當時走且
僵至今光燄在我聞窮乃上天意或無乃荒墳在何處
林阜有礪磊欲以斗酒澆夜市無可買

荔支歌

在邛州曹秋德署中作

香草亭中花嬈娜水晶盤內沉朱果風流太守羽扇來
笑捧一盃斂頭顙我家住在岷江濱夢想傾城三十春
豈意臨邛署中見頭令齒頰生甘津色酸江萍日光烈
赤羅襦中白膚潔細嚼丁香欲噉人五月齋頭流絳雪
維時輕擘對賢昆似言南海味尤尊詎知南村一老腐

唇焦口燥今始吞爲問紅塵何處騎車岡胡公敦舊意
秋漁舊屬洪雅馳來百里未成酸坐使輕紅沃心醉嗟
令胡公所送我離羣八年久命駕總爲平生友珍筵兼得桃花紅爲
我沽盡當鑪酒明當結束去燕都對此已覺炎天無他
日故人如問訊勸君休寄荔支園

次仲秋漁韻

見說飛鳧入劍關名高金馬滿人間只今遍歷銅符較
猶說難忘玉筍班撲藻摘華空復爾盤根錯節在投艱
嗟余潦倒風塵遍休話當年啓事山

成都遇朱子穎太守於護國寺出遊峩嵒詩見

爲作長歌

朱髯出守不得意，撲被來投護國寺。吟聲驚起錦江濤，
高眠謝絕門前騎。我自臨邛道上來，處處見君題壁字。
聞在浣溪樓下居，排闥直通不用刺。聚散升沉十餘載，
相看一酒丈夫淚。怪君面帶烟霞色，飄飄語有凌雲氣。
爲言千里來劍南山，水足稱平生志。栖遲總爲一官懸，
今朝始脫銅符累。大哉仙人忽相招，明月半輪掌中墜。
翻身直上雪千層，放彩亂颭浮空翠。蕩蕩天門捫正青，
恍悟前身香案吏。俯視全蜀如井底，紅塵擾撓正糜沸。
豈知蓮花頂上人，坐撚枯藤餐百卉。歸來落筆無五嶽，

陡覺星河入胸胃，倒海翻江入市忙。天下此遊寧有二，
可憐寶山空撒手，依然不救糧。與糒祇餘兩袖生清風，
誰能分惠爛羊胃，交如北海客。一錢未免搖尾增心愧，
東西南北馬蹄脫，迴翔暫借立錐地。惟撥床頭一瓮雲，
日與老僧拚一醉。何意大暑來，故人聞呼不覺倒。老屣
相逢不似在人間，恍如天上將軍至。語猶未了雲雷作，
留客眼青鬚磔磔，勸君休矣勿復言。我亦人情今歷試，
但當沽飲百餘。容吾卧榻且軒睡。

題子穎太守峩眉詩後二首

排空馭氣杳難蹤，羨爾峩眉覓赤松。翠掃雨餘能似不

爲余一一說螺峯

淋漓大筆障鴻濛手摘星辰氣吐虹自笑西川老居士
半輪明月畫圖中

題子穎太守棧閣詩後二首

十載渾如隔夜與新詩讀罷更挑燈秦川後作宜刪却
寄與詩人杜少陵

烏道褒斜屢過之棧雲棧雨苦淒其而今禪榻茶烟畔
又歷猿聲十二時

題荷亭

鑿池傍山脚着箇荷亭子時有小蜻蜓點破玻璃水

艷詩四首

在成都作

人間正色奪胭脂，獨有峨眉世鮮知。
家在薛濤村裡住，枇杷依舊向門垂。

文園底必用琴挑，無語無言倍覺嬌。
故借威蕤通一語，要看樊素露櫻桃。

朱履三千客滿堂，笙歌如沸擁紅粧。
麒麟乍說從天降，笑向流黃帳裡藏。

春風側側入簾櫳，長見微螺感遠峯。
一朶海棠初睡起，似經猛雨損花容。

和舍弟龍山宿天迴鎮元韻

出郊時向午樹杪已斜曛浴水雙鳧沒橫空一雁聞地
高偏聚雨天晚易成雲止宿投何處天迴路不分

題孟家店壁

八月清秋雨又風蕭蕭夾路柏兼楓笑他葦荻池塘冷
也有鴛鴦戲水中

東鄰婦

東鄰婦自嘆紅顏遭忌妬曉來當窻聽鳥啼聲聲似向
薄情訴爲訴當年初聘入繡就同心永堅固爲禽願上
鴛鴦錦爲花願冒相思樹豈意檀郎歡未足別娶阿嬌
貯金屋新人粧束前門來故人襍被後門出空房冷落

歎蚺蟻暗火淒涼飛蝙蝠風吹紈扇恨何長夜對銀缸
頰暗蹙豈有言詞傷大家忍教巾幘隨婢僕無心再看
錦衾斜有情除是鸞膠續昨宵早起理殘粧鏡影猶憐
眉黛長蟬釵貼罷出深屋金蓮軟步來前堂試問薄情
夫新人似我無標郎回言新人好不如卿家百事巧新
人有巧卿不如能唱羅敷自有夫

別內

許國今揚萬里鞭百般家計賴君肩
栖身初置三間屋餬口猶存十畝田
常使親朋來有酒莫教稚女冷無棉
我雖在外清貧過也得人稱內助賢

留別醒園

新建樓臺倚翠微，排山松栢半成圍。
白雲似友還相送，明月留人苦勸歸。
池內養魚隨變化，亭前放鶴且高飛。
最難別是冬初候，梅正含苞理客衣。

十一月十一日過梓潼訪故檢討弟廣文儀亭
學署出所作詩見示

長安聚首憶羣雄，擊破胡琴氣概同。
共說人間有雙鳳，誰知天上喚孤鴻。
胸無塊礫三杯外，舌有風雷一卷中。
握手不堪腸斷處，故人宿草已成叢。

劍州道中

高低石磴駕長虹，馬上行人在碧空。昨日雨兼今日雨，不堪又冒利州風。

黃茆白石滿平崗，那得詩情入錦囊。唯有兩行李公栢，蔥蔥翠色撲征裳。

重題牛頭山寺壁

題詩舊在牛頭寺，今日重來和益多。試訊青山無恙否，白雲無語向樓過。

千佛巖

是身如雲影飄渺，隨西東。偶隨花雨來，忽到梵王宮。自
千萬億佛雕鐫，何玲瓏。藻井綴花鬘，石髮垂蔥龍。儼如

我悉達合掌坐當中
乘騎獅象降伏疑虎龍渡杯
與飛錫恍惚來碧空似向天竺一見疑有寫嶺達其餘諸
小岩盡斷瞿曇容不須悲偈入自有燕航通欲問佛云
何干江月同

乾龍洞

何年晝晦冥飛龍上遼廓奔霧繞瀕洞雷聲走延岑鱗
甲卓九霄垂胡下深壑一去降甘霖遺窟不可索至今
風雨夜金光猶灼灼嘯雲時有無日色照根煬笑余老
頭顱尺木何由著屢遭豫且困魚服徒自忤所嗟河津
遙未免氣力薄俯首龍門過不禁足跡踏

金鰲嶺

連口沿江岸，陂陀異昔遭。茲嶺恐懼始，脊起尻益高。歷
仆驚礪磈，洞壑深嶮嶮。咫尺目花眩，恐落萬丈濤。我聞
龍伯人，巨釣連六鰲。疑詣五真時，遺一此邈逃。亦如禹
治水支祁，加鎖牢至今。山之巔有神饗，腥臊歲歲椎牛
祭。毋乃太貪饗，何不鍾之平。苦我販與挑，語罷神忽怪。
江風中怒號。

宿寧羌州

孤城斗大亂山中，泗水聲聲寫向東。明月滿窓人未寢，
狙公啼罷又猿公。

滴水岩

晨趨滴水岩回首失平曠披榛入幽仄漸聞山溜響叢
篁蔽白日老木偃嵒嶙窳窳窳窳窳離逢魍魎鳥飛
近可取魚細不任網灣浪似無路崩崖忽軒敞危哉一
石懸怒欲撲人頽峻闌巧扶持人反出岩上我家有小
園一別付遙想安得遂米齋供我寶晉賞千夫聳不辭
一密願百兩

出馮縣口

偶驚驅七尺飛過嶺千重兩耳猶猿喚孤身尚鳥從定
軍諸葛壘褒水漢王塢戰地今何在時平絕少烽

燕子編

我行入褒谷一步一回眴有如落鐵圍四壁皆築釘上
下不十里怪石難悉辨偏仄燕子編旬奮驚初見狷如
金剛王嚴如羅刹面黜如夜叉臂勇如猛將戰又如蘭
相如持壁睨柱看毛髮盡止指目光閃巖電又如樊將
軍擁盾氣怒悍拔刀割彘肩能令重瞳汗下有雷家灘
聲敵震霆亂立馬譚氏橋懸一纜一線闕闕雪車鳴磷
磷霜花泚踰履木自慎魂魄俱欲顛嗟予志蓬矢遠遊
亦云慣屢經不敢掉恐爲造物玩伐箭者誰子高嶺人
云漢生湃等蟻蟻得毋太輕賤

襄城谷中逢吏部簡玉亭昌璠以州牧至蜀

邂逅何妨促膝談
雷家灘上暫停驂
怪來昨夜星辰動
爲有郎官到劍南

鳳縣二首

雲巒途太折風景客來重
水狹人多瘦城孤虎有蹤
瓊漿誰共泛玉手鮮能縫
唯有金絲柳依然拂露濃
冰多千坂滑山盡一城橫
處處驚逢雉家家解畜鸚
遙峯迷鳳跡小縣聚猿聲
八百連雲路祇餘二百程

草涼驛題壁問雪景畫

是誰供帳伺分司
席有重臺尚皺眉
獨有雪橋驢背客

梅花飽看當晨炊

曉過五星臺

役人貪早起出郭尚昏黑行行五星臺殘星猶未匿熊
羆伏路號鯨鯢據岸仄朽棧俯見水破袖常挂棘人呵
寒慄氣馬帶善驚色長疑樹如人只恐盜在側斥堠雖
登增戍卒且偷息倘知早行險高枕卧亦得

臘月郎中馮星實

應棉

視學蜀中余適北上相遇

于鳳縣心紅峽見示道中詩余亦出詩相質紫贈
四絕奉和元韻

詩筒一葉倩郵傳驚看光芒萬丈懸趨壯子平吾豈敢

褒詞虛負玉堂仙

文同寄子平詩云之子富才華筆力
趁且壯子平卽蘇軾初字也來尚有

風規直接大義
仙之句故云

使者持旄萬里遊心紅峽裏暫相酬
功不少相如賦
休令諸生嘆白頭

國華堂構擅才雄十載文名鳳閣中
北斗以南人望外
錦江桃李笑春風

才子憐才意倍殷綸扉憶慰泪沄沄
如今衰病無裨補
辜負當年囑咐勤

附

郎中督馮應榴星官
學蜀中

詞源傾瀉競流傳江湖汶山萬派懸
知有品題前輩

定風規直接大峨眉

錢香樹尚書評
首詩擬之大蘇

雲棧天梯愜壯遊
驚人奇句在來酬
笑余試險蟲吟

寂健筆何當更上頭

錦官城夙聚文雄
慚忝星軺指蜀中
靈秀江山君占

取可留餘氣續遺風

峽裏相逢話舊殷
看雲樓下想沅沅
憑君傳語長安

道病骨寒山策騎勤

送別馮星實提學

潛居兩載信疎迂
半日論詩實敬愚

是日爲余吟入棧
大散關諸作悉警

絕得未
曾有

意氣可憐傾肺腑
文章空笑老頭顱
玻璃西去

歸金鑑灑頰東來映玉壺
最是劍關相別後相思獨向
薊門趨

興平縣感舊

憶昔殘冬此解鞍
圍爐兒女話團圓
未知何日刀銀卜
明月時飛飛上看

漠漠風沙雜雨塵
相看掀笠似泥神
須知我亦臨邛客
携得當年賣酒人

馬嵬

綽約仙人海上眠
此間空惜委花鈿
從來粉黛原都假

黃土何曾值一錢

墓上土名貴如粉傳能治面皴

附

男朝礎

深宮曾見錦綉眠死後徒留一服錦莫恨漁陽鞞鼓
過當時曾賜洗兒錢

奉和南星鎮壁間編修祝芷塘同年題 果親王

墨松二首

粉牆不合長枯松知費隄廩幾斗濃一自蒼龍蟠壁上
至今常有白雲封

使星題筆我能知三峽毫端倒瀉詞當日鐵州人十八
惟君年少最能詩

呈陝西方伯畢秋帆二首

龍圖老子最風流，溫飽何曾爲己謀。
寄語漆園仙傲吏，底須貨粟監河侯。

高牙新捲華峯烟，澤潤黃河里數千。
我亦劉平上都客，更無人贈辦裝錢。

方伯新署中丞畢秋帆，流留飲誌別

分草金鑿未幾時，秦垣早見擁旌麾。
文章氣概黃河讓，人品端凝華嶽堆。
鎖鑰北門媿冠準，屏藩西塞重韓琦。
回頭鷓鴣非前侶，休戀鳴珂白玉規。

畢秋帆以紅雨山房悼亡詩屬題爲賦四截

雲鷓連理恨無窮，伉儷悽然一卷中。
莫訝神傷荀奉倩，

相秦曾記屢屐同

銅烏蠟下忽垂淡難忘當年舉案眉簾捲南山螺似書
知君腸斷退衙時

缺月纖纖掛一鈞誰知京兆舊風流汾陽老內空悵浪

相守而今未白頭

秦藩署傳爲汾陽王故宅

曾聞萼綠降羊權知是天都第幾仙祇恐玉真仍未死

雲鬟霧鬢華峯巔

傳夫人尊人請于黃山神
夢神以綠衣女子昇之遂生

留別西安太守翁誠軒

傑

蜀山秦樹雲中行送我直指長安城太守招邀宴華署
令我意氣杯中生去年雪夜度南鄭人口洋溢龔黃政

移床坐對漢臺月，珍錯飽飫妻奴併。今年又復來寒冬，
銅符恰遇潼關中。削屣屢叨殊禮重，三鼓不寐談堂東。
昨朝欲上灞陵路，百計挽留留不住。相看亦復可憐人，
羽書叢中偷一聚。今日驪歌慘別顏，倉皇餞我出秦關。
人生聚散直鴻爪，此後相思山外山。

鴻門懷古

野火飛入阿房宮，其逐秦鹿如飛蓬。項王蓋世雙重瞳，
呼吸八千來江東。赤蛇白蛇爭關中，廣武連兵決雌雄。
亞夫碎斗氣填胸，筵前劍舞心不同。生割彘肩目如銅，
死且不懼况酒中。兩龍不並成漢功，撥亂乃屬大度公。

至今壁壘頽層穹戰場殺氣亘長虹
猛虎嘯壑鷹鳴空翔雲繞陣號
餓鴻吁哉腐儒安可通杯羹一語
真英雄

驪山

繡嶺今如故華清舊有名一泉留
月色十里走松聲彷彿聞鑿駕
依稀見翠旌馬嵬坡上客猶自
惜傾城

曉發涓城逢家應宿以武關落第
歸西山隱居沽飲爲別放歌

昨夜黃河雪我自潼關發萬里寒
雲捲滄海三山飛上一輪月月
色楊柳枝梢橫長庚星下相見
驚下馬沽飲新豐市看君意氣
何崢嶸人生閱燦面年內胡爲
萬古

懷不平君不能學伶人摘阮鬱輪袍岐王宮裏科第高
又不能學將軍三箭定天山封侯挂印須與問王好竿
而子鼓瑟三年齊門復誰恤小兒聞此皆搖頭有如人
笑柳下黥燕雀亦相嘲欲與鴻鵠爭魯人不識鳳山
鷄朝陽鳴驛亭津館歌嗚咽與君擊碎唾壺缺巴詭豈
解和陽春漁父還能鼓柁樵交盡黃金無一親執袴嗤
我儒慢身笙管叢裏失談笑蒼蠅貝錦如有神班超豈
事箠硯者韓信亦非跨下人與子論岐道左窮遜于我
無不可千金屠龍伎何用百戰健兒終輒軻得亦不足
喜失亦不足愁盧生豈非落第客留侯乃與黃石遊君

不見陶元亮解組歸來山水放君不見郭子儀功高天
下冢纍纍我亦欲隨范蠡去焉能與俗長低眉

華陰道望華山歌

搗朝策黎眉獨上華陰道雲氣撲人髭欲白劉天崔鬼
凍相照二華削出雙芙蓉玉女明星晨露濃長虹倒吐
蒼龍嶺紅日初上迎陽峯我聞希夷峽仙人掌依稀似
有五老人恨不跨鶴三峯上又聞張超谷老君犁疑有
三茅洞中客招我乘羊八卦池神仙各代有不識誰
長久人人盡飛昇何不墜一叟我歌歌上五鳳樓歌聲
直遏天河流王母知我最好事爲我置酒樓上頭局口

不是朝朝暮暮人

陝州

雲山無百里處處見黃河岸凍蛟龍蟄天寒雁鷺過陽
津停雪少大谷聚風多周召分封地茫茫意若何

硤石關

崤陵高處望不見虢州城虎或天陰嘯駝因地發鳴日
寒斜始照風急遠聞聲同伴俱無語應憐拂鼻情

石河題壁

牛鐸聲中鬧冬了我也乘輿載有氈布被紫頭雞夢醒
十里五里喚始應石河已渡天未明殘星茅店鷄亂鳴

起視漠漠霜花生雲峯缺處紅日昇老翁開門髮鬢蒼
土竈猶挂隔夜燈豆豉旋煨糲糲羹老瓦盆盛墨指擎
雖欲不飽夫何能僕夫又口催我行乃與此輩同前程
宿鐵門苦寒

雪堆深處露菲次送口養和怯不親最是噉噉簷下雀
飛翻也欲向微曦

紙格油窓自補函圍爐祇似坐水壘可憐門外走車客
臘月嚴寒尚夾衫

自磁澗至洛陽作

雲樹蒼茫一望愁澗灩斜抱洛城流正當雪絮風饕後

擁鼻微吟入潯州

天津橋上起飛埃，萬里襟懷得暫開。
試向龍門高處看，黃河一髮自天來。

晚渡黃河

又醉糟邱酒，臨晨問渡來。
天浮銀屋下，地湧書樓開。
烟樹參差出，風帆頃刻迴。
中流何用誓，擊楫亦悠哉。

兒輩得鵠令放之。在孟縣作。

非因壽算百年祈，聊學金籠放雪衣。
從此應無傷爾者，風鈴天外任高飛。

由河內至清化鎮

臘月覃懷道飛霜漸漸輕村居饒竹色溪水帶蘆聲北
海樽誰勸南陽堊有名叔參千載後空動路旁情

旅店對月

邇來宦迹苦栖遲贏得風塵兩鬢絲日落易從投店後
月圓多是別家時誰同竹葉三杯酒自贈梅花一卷詩
聞道郎官應列宿坐觀星斗爲誰移

未至修武先寄廣川明府

蓬矢桑弧本素期風塵無復少年時我來河北無人識
先寄南陽令尹知

贈署新鄉縣令司馬錢蔭齋

汝恭并序

蔬齋爲余師嘉興大司寇香樹先生仲君余在
秀水曾於金陀坊第見之蓋不晤者十餘年矣
聞以司馬發中州未補不知其署新鄉令也投
店後訪路生於白鶴觀憫其老於童生因言縣
試在邇問令尹何人乃知蔬齋暫署時子方有
辦裝錢之急因踰城闕直至宅門則內外俱寢
乃排闥大呼蔬齋知爲余卽披衣起迎然爐煮
酒命二子始生豫章出見詩酒達且臨別餽以
贖並以路生託爲門生作詩贈之

欣逢名士宰新鄉想見師恩秀水長絳帳人多分輩行

銅章署久見循良丈夫豈肯終雌伏餓者先須使飽飜
我有壺漿恩未報辦香應比辦裝強

新鄉留別

錢蔭齋郡丞卽和嗣君

培生豫章

見贈

韻

話別衙齋首重 廻韶光暗訝鬢邊催十年謬忝登龍客
一夕驚看倚馬 才謾謾松濤聞者酒飄飄梅雪入深杯
可憐情誼同親 串兒輩通宵亦侍陪

年來大地苦奔馳無復當時海鶴姿衣上塵埃看我抖
毫端珠玉任君麾孔門舊仰趨庭禮衛國新歌授館詩
從此前途話心 少陽關四疊有誰知

伎搔癢處膝頻前非爲恩叨醉飽全行李有供慚反壁
投桃無報效拋磚紅塵洗盡真形出青眼相看燭影偏
師表儼然帷帳在恍如絃管投經年

想見胷羅萬卷橫敲詩乃爾韻琮琤人如秋鶴凌空健
容似寒蠅凍失聲今日不期重御李當年立雪本從程
未知何處爲南浦總覺銷魂去住并

過淇縣

不入朝歌里胡爲此地來人皆競趨逐余亦暫徘徊
竹詩猶在桑間什可裁淇泉自清絕好洗客衣埃

咏宜溝驛驄

滑如女手軟如綿
纔費囊中二貫錢
欲睡仍遲是何意
吾家舊物有青氊

沙河縣大風

狂風吹起萬重愁
泯泯灘分一水流
十里黃沙飛似霧
白楊多處是溫州

彰德懷古

武安城郭枕荒邱
石穴鳴時戰氣愁
一自鼓山潛鑿後
至今彰水背西流

順德懷古

塞腹瀟腸仗孰能
當時獨禮佛圖澄
不知石虎藏棺內

猶向流沙覓老僧

金堤庄相傳漢孝子郭巨埋兒獲金處有感而作
抱弱分甘亦性真埋兒無乃太傷仁郭家孝行皆如此
文舉何能有此身

善人天錫理當宜五字丹書亦太奇祇恐兒殤原未死
下鋤剛遇拾金時

向趙州牧李芟裳

文耀

處乞木瓜酒

流涎每向麴車措不見青蓮不舉杯自愧瓊琚無以報
痴心先望木瓜來

登正定府多寶塔

不盡凌雲意浮屠試一登捫天纜一尺匝地起千層口
向雕欄過雲從繡牖興莫嫌筋骨老猶覺力能勝

登龍興寺大悲閣

金碧千層麗丹青百代仍雷霆梯上履日月寺前燈地
氣連恒嶽鐘聲撼博陵可能空四大我欲問山僧

深州牧李五峯遣送小菜四種

未經出土氣含酥小放筠籃似束芻短
短麥苗無可雜
不須偷問石家奴

韭黃

纔聞香氣已先貪白楮油封四小甌滑
似流膏挑不起
可憐風味似淮南

腐乳

減如諸葛蔓菁菜煮比東坡玉糝羹如練土酥羣不識
教人長是憶金城食蔬

臨人加豆列名蔬紫蓼青葵迥不如却憶誠齋詩句好
一生只解貯寒菹鹹菹

題春風亭

亭在伏城驛元侍郎蘇天爵建

驛前楊柳繫青驄小有亭臺蔓草中道是春風人不信
不知又是幾春風

伏城驛店壁戲寫墨菘自題

菘以安肅縣產爲佳

粉壁無端露一叢數窩安肅寫亭中要知不肯題名意
恐有人呼作李菘

辛卯除夕

在行寓縣作

不爲窮途泣其能遠道過人逢相煖少自笑賣癡多跡
跡疑張祿留行想孟軻生涯真是夢又作一南柯
世態都如是吾生計總非主人方熟卧客子理征衣相
酒渾難醉梅花不救饑前途知已有多恐巧相違

童山詩集卷十三

綿州李調元雨村

壬辰

壬辰元旦發行唐至定州道中

爆竹聲驚五鼓頭
人情淡薄客難留
殷勤只有青山送
明月清風過定州

保定感懷二首

今茲重跼蹐
往事憶踉蹌
傾軋人情洵
煩冤衆口揚
丹心千載耀
碧血九泉香
祇恨黃昏迫
無因奠酒漿
更無人可恃
止有自加餐
彈鋏渾忘辱
揮金始覺難
同

聲心不應異樣色相看謝鳳毛雖在風霜漸脫翰

寄謝錢培生惠物四絕句

雪谿谿水最清漣濡染毫尖體自妍
卻笑江淹才思盡不須五色贈來鮮

湖筆

龍蟠雙脊豹囊携褚郡平章品較低
當日南唐車載盡可能家法李廷珪

徽墨

我蜀花箋重薛濤不知又有衍波高居然
一幅吳松水欲得并州快剪刀

松箋

玉蟾陰鑑走銘文金線紅絲迴不羣
誰解暗尋鸚鵡眼

溪頭截下一團雲

端硯

定興縣

路過白河岸，搖鞭逸興生。
題詩宜化驛，買酒范陽城。
柳葉黃鵝嫩，梅花白蝶輕。
日邊看漸近，春色滿皇京。

初到京奉簡編修祝芷塘同年二首

兩年久別燕中侶，正月重來劍外身。
麋鹿尚懷千里友，鷺鷥又換一班人。
割鮮念爾兼求富，假館知余素位貧。
要識從前舊風味，依然愁裏過新春。

奇絕滌亭共一卮，燕臺重見悵多離。
花搖銀海方來日，是日大雪柳折金山想去時。
鰲壓九衢仍擾擾，鶴歸三徑尚遲遲。
如今宦海爲家客，不向風波問險夷。

附

編修祝德麟

芷塘海寧

且欲追尋終古事最難料理百年身文章自帶江河
氣疎散仍爲軒冕人菊徑不成陶令傲琴臺偏愛馬
卿貧三閭宣武城隅屋羸得深藏故國春

幾番

上聲

相逢到酒卮算來踪跡總多離每吟渭北春天

句

謂集中見寄詩作

難忘巴西夜雨時諸子才華君較健同

年官職我甘遲濟川卽在開帆卜莫待中流試險夷

來詩云如今官海爲家客不向風波問險夷故答之

移居宣武門東二首

已自拋家天一涯僦居那更說移家團團牛磨都陳迹

小小蝸廬暫避諱絕少佳鄰難借酒無多隙地亦栽花
看雲樓下長回首不倚雕欄幾歲華

新覓栖身屋數椽欣然斗室任歌眠墜中蕉鹿知何地
甕內醢鷄別有天路近層雲依北闕門開爽氣望西川
他時得遂歸來志便載殘書策短鞵

和墨莊弟清明詩

清明忽動兩眉愁拋棄家山萬里遊有母有妻懸故里
無衣無食寄他州牛眠墳墓誰爲掃鷄肋功名祇合休
不見燈前兒女笑相思白盡老夫頭

丹徒王少林同年

嵩高

携寵姬桃葉回南自畫桃

葉歸舟圖索余題詩六首

畫橋燈火昔年遊，
犀押銀缸共一舟。
紅袖烏絲人正醉，
恰如山谷在揚州。

秋到江南雁欲飛，
石城新載莫愁歸。
最憐小艇湖邊宿，
笑向雙鬟攬袂衣。

自矜十五嫁王昌，
却扇時時故昵郎。
好是舡窓剛共倚，
飛來十一紫鴛鴦。

桃花潭水浪泠泠，
但覺鶯聲喚小青。
二十四橋塵未捲，
榜人搖過竹西亭。

輕輕柔櫓返江村，
擁髻相看合斷魂。
羨爾木蘭船上客，

欲將桂楫訪桃根

燈閣風流彼一時又傳新得謝芳姿浣花溪上唾同夢
也擘漪箋賦艷詩余有艷詩四絕爲妾薄氏故云

題蒲靜遠所藏文待詔十洲全圖二首

蜃樓結撰似仙居天水溟濛展卷初滄嶼風檣趨筆底
此公合是木元虛

大瀛八極杳如烟漢武秦皇亦可憐必欲南溟問踪跡
垂雲鵬去只三千

過大房山

看山一路到房山遠近螺峯點翠鬟爲問雲中青幾點

路人遙指紫荆關

聞王少林嵩高病足二首

少林何事骨支撐半爲吟多太瘦生室內扶顛無僕婢
門前問恙有公卿一年斷酒閒鷓鴣約六月看花過馬纓
何日詩肩高自聳西山準擬躡崢嶸

只宜閉戶不宜遊落得休時且暫休西子捧瓊非是病
南人軟脚未爲憂儘教桃葉垂青盼莫令楊枝送白頭
他日鳧飛應更速天教健翮養深秋

送朱子頴孝純出守泰安

如載髯翁畫不羣大同殿上水聲聞

名見時上命畫
水石稱旨賜段正

往年飽看峨眉月此日齒

翠泰岳雲似我宜稱朱士屨

如君真是李將軍何時得

遂東山志日觀峯頭一訪君

芷塘同年齋中有秋

園茉莉各二盆秀茂異常屬

余作詩各賦一首

契濶念素心忽動伊人懷

入室坐未安馨芬盈庭堦此

種秉幽趣高寄白雲隈一

爲香所誤遂與諸草偕其芳

終不言自分涸塵埃今充

君子佩永得邀栽培月夜靜

相對如與人忘骸願言託

狐根歲宴兩無猜

秋蘭

靈苗本西域錫名異花史

或號小南強夸耀徒云爾豈

如今所種碎瓊實難比暗

得何處來珠珠簇小蕊宜挿

美人簪與君玉相倚得勿
合爲一芬芳原竟體勸君急
把玩此物最柔靡一遇爽
颺來只宜還廟市

茉莉

送進士熊映堦歸蜀

羨君射策步天梯
乍少丰上林未借一枝栖

委與莫齊劫有一番堪惜事

喜晤永康牧昆珍弟

至京並贈交桂

少日心情太激昂
邇來猶我似飢鴻
已懶翔昔荷

未變疎狂君如病馬猶思嘶
思多自許今膺家難少入襄

言不敢嘗

和同年比部姚姑仙

爲見訪元韻

天遣余閒事亦奇竟無一
新句如歌白雪時顏駟只
當年共展鸞鳳志此日應

檢討侍路川 勸見示

有客排門頗自奇氣如天

口若懸河不避時兩載官

閒來莫訝狂吟刺萬斛窮

盆內養金魚數十頭

閒來無事學埋盆養得支

其如升斗活難存

事可相羈故人相見清風後

今容愈醜潘郎誰念髮成絲

歌二鳥詩

和姚姬傳韻再和

馬不能羈心能從井相知早

身長似繫一封家信亂如絲

愁盡付詩

得詩二首

魚怕水渾雲雨終非池內物

魚山詩集卷十三
飼餌依人雨不猜落花流冰共徘徊莫嫌盆面香萍少
習網安從此處來

王少林同年

嵩高以

詩索金魚分送數頭再次前

韻

堆金砌玉半瓷盆急遣遣君水未渾若見紅鱗應倍惜
當年我輩亦龍門

新月如鈎莫暗猜天光雲影共遲徊祗緣身有文如錦
惹得才人揆藻來

和王少林見戲午睡元韻

樽俎常開醉不支人言吏部似崔漪誰知自別日園後

翻有高眠飯熟時

送刑部郎中呂陶村元亮同年督運川餉

執法西曹又呂刑新郾 詔命下虞廷天懸蜀道當三
伏地入秦關走五丁飛輓不教民力竭佩囊好奏聖人
聽叩嶮指日旄頭落鴻筆還看泐劍銘

送程魚門晉男舍人奉詔回南訪求遺書

騷壇今日程文海大筆當年蘇長公貧到無炊猶愛客
吟成有病尚求工屢遭棄甲心逾勇代祝添丁願總空
此去遺書船滿載歸來應趁好秋風

奉懷新鄉錢明府蔣齋蔣翥例推司馬以軍需遠迫尚未離任

忽覩鳧飛憶故人旗亭話別又經春臨淮早已徵黃霸
河山今仍借寇恂往日風流應似舊寄來詩句更生新
從來利器盤根別休使腰摧志不伸

七夕和吳鑑南燈韻

天街如水寂無聞卧看雙星至夜分穿線有情輸女子
晒書無腹負將軍月鈎墜處螢方度雲漢斜時雁叫羣
苦和君詩不成寐半瓶獨酒已醺醺

爭傳乞巧若無聞只足鄉思到十分張錦昔時嗤漢武
請纓今日羨終軍

是日送呂陶村從軍至蜀

庭中露綴千蛛網郊外

風嘶萬馬羣未得相隨賦歸去愁來不醉亦如醺

立秋後三日訪吳鑑南不遇遂獨遊法源寺薄暮

方歸仍用前韻寄鑑南

叢林高處鳥聲聞一院清陰羨爾分月下草蛩同和韻
雨餘槐蟻亦行軍拋殘書卷人何往抄就新詩思不羣
聞道棗根儲窖酒可能撥甕共拚醺君嘗以酒甕置榻下過七日始飲

秋風先向塔鈴聞步入招提路不分賜額功歸司禮監

泐碑名惡范陽軍

寺爲明正統十年內侍宋文毅重建賜額宗廟壁上有唐御史大夫史思

明碑井邊澆菊僧呼伴殿外盤松鶴引羣應是林深飽烟
露晚葵花臉尚含醺

寄懷固安陳明府韞山

身在天邊去任難思君長望大河干雲連樹色千章白
口湧沙濤萬頃丹聞說王喬方賜履應知貢禹欲彈冠
請看梧葉秋凋盡自有松柯耐久寒

借祝芷塘編修訪吳鑑南法源寺留飲至暮方歸
明日芷塘有詩因和其韻

休怪連朝作答遲每逢敗意輒停詩孟嘗頗厭三言客
張詠還愁一字師雨過小園除菜蝗註晴修壞壁走蛇
醫誰知更有催逋債笑索枯腸一償之

煮酒強於顧建康那禁下酒解詩囊興來不悔比鄰惱
歸去應須醉尉妨此日心灰難跋扈他年各在恥游揚

勞人休作林麀笑，我是鴛鴦未列行。

侍御劉乙齋退思軒小飲分賦

澗居纔幾日，幽逕別開軒。
愛石每高枕，編籬作小園。
書聲聞客住，棋響共誰彈。
無過從何補，題名亦妄言。

訪新陽門廨張方巖同年宏猷於白衣菴有感奉

贈

萬人誰舊識，匹馬問新陽。
草長門常掩，花多徑亦香。
同年星宿散，異地暮雲望。
誰念吾儕在，相看各老蒼。

重陽和吳鑑南韻二首

相逐連朝困酒巡，豈知今日是良辰。
西山過雨多遊騎，

北海無風起涸鱗萬里遙憐兄弟隔一杯却喜友朋親
長安久住非無謂尚少催租敗意人

問儂底事不懽顏昨夜秋聲夢故關桑落釀成誰共醉
菊花開好幾時還風流此日叅軍孟潦倒當年吏部山
京洛詩豪誰第一題饒新句滿人間

九日後一日比部姚姬傳邀遊法源寺看菊

纔過重陽景色新步來蕭寺淨無塵僧知午過能供客
鴈到秋來總是賓但使有花消永晝何嫌無酒負佳辰
旁人莫怪風吹帽我是龍山坐上人

和程魚門訪菊二首

一生偏愛菊陶令定前身不見白衣客自招青眼人
訪花如訪方活雨不沾塵踏破東籬路應遭鄰叟噴
我豈前生菊相看並瘦身只將香供佛總覺淡如人聞
道荒三徑何曾染一塵今朝蕭寺訪苔破不須噴

同吳鑑南法源寺菊

菊似知余至含苞吐數花傲霜孤幹挺冒雨一籬斜讓
客飛寒蝶遲人到暮鴉伊蒲雖有饌不遣酒家賒

學士采竹君筇座中題羅兩峯畫

兩峯落筆走松濤中有蟠蛇氣鬱陶我醉渴思吞馬乳
君言此是畫葡萄

拳足何曾磐石安翠毛猶鬪日光寒雖知渠有文章在
莫作山鷄舞鏡看孔雀

植物之中竹難寫白樂天詩最表揚今日不須誇與可
風風雨雨是蕭郎竹

枯枝點染是叔杼想見東坡竹外斜怪道昨宵猶有夢

騎驢江畔覓梅花梅

題比部侯景園愛竹圖時景園告假欲歸

侯侯朝以長卷投啓視悅覺風颼颼坐對此君者誰子
得非愛竹王子猷此竹移根應岬谷鎮日遶林聽不足
可憐月影滿庭時千蠶風梢亂寒玉昨來示我儂軒詩

詩比琅玕尤瑰奇若使和鳴作鸞鳳寧教伶倫借管吹
看若終日倚修竹幾卷圖書供晚讀此中定有葛陂龍
不爾龍孫何滿目怪君歸志上征鞍爲言別久思檀樂
我爲題圖進一解故園邇日正平安

送吏部陸

補梅

燎出守潯州二首

相看五馬路旁分忽念南曹共事勤蹊逕早年慚李父

庄田今日剩崔

宰

壬申浙闕補梅
出先君門下

舟過潯水人衝霧路

指崑關馬拂雲此去定知殊報最好移風俗答

明君

朱幡欲送意翩翩白帽西華只自憐念我長安無米爨
知君合浦有珠旋百年容易看消髀一事偏難是脅肩

他日嶺邊如鴈過好將書札倩渠傳

前余題兩峯畫有騎驢江畔覓梅花之句兩峯爲
余寫作小牌朱子頴又爲補圖中景旣成邀兩峯
子頴鑑南少林集韻牌余得五律一首

我是圖中客騎驢江畔來梅方衝雪發鶴正盼余回今
日鄉心動何時懷抱開磯邊凝望處零落漸生苔

和程魚門遲雲閣賞雪元韻

并序

閣卽余向之看雲樓也自余已丑歸蜀後屢易
主人今爲編修王方川所得方川曾有重遊之
訂而以俗冗未暇昨訪魚門出二詩相示則雪

後飲閣中所作同司王鎮之亦有詩遂步其韻
以示二君翌日當示方川並徵後約也

昔恨梁園未見招驚看健筆插岩堯昨朝客集三千頃
往歲人歸萬里橋蕉鹿夢魂真懍懍尊鱸鄉思又蕭條
獨隅誰念僑居者獨抱寒衾度短宵

身是滄溟一寄螺行歌燕市日顏酡自憐余勇猶堪買
其奈君恩未肯波蜀道崎嶇來騎少長安傳舍閭人多
更拋青紫非難事壯志羞教付綠蓑

初疊前韻寄程魚門

憶昔登樓不用招每同携酒望峇峇晚烟恰似乘輕艇

殘雪_皚如_上斷橋_誦去清詩皆異想談來經義必同條
今朝月落空梁在誰使笙歌闌徹宵

主人愛客出鸚鵡想見髯翁面最醜君據胡床真有興
我如古井已無波爪留泥坂飛鴻遠目送寒城凍雀多
倘許尖叉重入社未應句好羨漁蓑

魚門再疊前韻見示有終是吾儕樂官職江湖本
不少雲蓑之句爲廣其意復次韻答之

不用淮南累見招自依北闕赴岩薨慕人世隔聯三戟
負我名園第五橋篋裏畫圖愁易觸客中歌詠氣難條
黃昏賴有君詩寄心舞高吟過半宵

君身有似聚香螺久不聞香各已醅百代風騷存砥柱
一時議論若懸波書藏李泌猶嫌少金笑蘇秦亦不多
我也殘年衣典盡護寒祇恐欲謀蓑

吳鑑南亦用前韻見戲去年納姬之事奉答二首
姑射仙人豈可招爲余月夜下嶠曉敢夸金屋粧嬌艷
曾向銀河借鵲橋桃葉歸時何用楫木蘭開後可憐條
憑君爲話年前事只恨歡娛促短宵

畫眉驚見掃宮螺爲愛穠華臉半醅怕有飛梭防折齒
喜逢破帽肯回波風懷漸向燕中滅春色還憐錦水多
不是多情鍾我輩老來好伴織田蓑

來詩有自是鍾情我輩多之句

臘日仍用前韻二首

我本山農不受招，偶從蜀道下名堯。再來已講麒麟棹，
歸去先慙駟馬橋。臘雪未消看挂樹，春風初到欲驚條。
何時獲慰團圞樂，便擬華燈宴百宵。

吾年未老頂成螺，漸退朱顏借酒醅。自悔少時馳若騖，
暗驚去日速如波。守株待兔愚堪笑，博塞亡羊失已多。
至竟不知成底事，此生端欲老牛蓑。

除夕再疊前韻二首

是日聞王師平定，小金川信固安司馬陳韜由遣人送

栗度歲

歲去堂堂不可招，如蛇赴壑縲岩堯。莊周逝貨監河粟，

种誼遙通講渚橋且喜旅居無市責誰言里巷有科條
愁顏暫豁還堪歎四十飛騰過此宵

苦憶雲龍幾點螺醒園別後付誰醅梅花空放千堆雪
栢酒難添一匊波妻女連年音漸隔僕僮守歲夢偏多
夜闌忽記髻時樂放學歸來着雨蓑